



اُنِيْوَرْسِيْٓتِيْ تِكْنُوْلُوْجِيْ مَارَا
UNIVERSITI
TEKNOLOGI
MARA

**BULETIN
UNIT RESIDENSI
& HOSPITALITI
PELAJAR**

**EDISI 3
OKTOBER 2025**

U

R

H

P

TOWNHALL JPK NEGERI SEMBILAN: MENELUSURI VISI, MENGHAYATI TRADISI

NAZ ASYRAF MOHAMMAD NAZARUL, NUR HUSNA HASNAN &
MOHD IKMAL ABDUL HALIM

Pada 25 hingga 27 April 2025, program *Townhall* JPK Negeri Sembilan: “Menelusuri Visi, Menghayati Tradisi” telah diadakan di UiTM Cawangan Negeri Sembilan Kampus Seremban.



Program ini bertujuan menyediakan platform bagi ahli Jawatankuasa Perwakilan Kolej (JPK) untuk menyelesaikan isu-isu yang timbul serta memberi ruang dan peluang kepada mereka untuk menyuarakan pendapat dalam perbincangan berkaitan kebajikan dan keselamatan mahasiswa di kolej kediaman. Program ini khusus untuk JPK UiTM Cawangan Negeri Sembilan di setiap kampus agar mereka dapat terlibat secara aktif dalam isu-isu hangat dalam kalangan mahasiswa di peringkat pendidikan tinggi.

Program bermula pada 25 April 2025 dengan pendaftaran masuk kolej pada pukul 12 tengahari, diikuti dengan Majlis Penyampaian Watikah Pelajar oleh Penolorng Rektor UiTM Kampus Rembau YBr. Prof. Madya Dr. Masitah Ahmad pada pukul 3 petang. Pada jam 5.30 petang diadakan Majlis Jamuan Raya JPK Riang Rio Rayo, dan sesi ice breaking berlangsung pada pukul 8.30 malam.

Pada 26 April, program dimulakan dengan solat subuh pada pukul 6 pagi di Pusat Islam, diikuti sarapan pagi pada pukul 7.30 pagi. Sesi perbincangan pertama (1) bermula pada pukul 8.30 pagi, diikuti rehat tengahari pada pukul 12.30 tengahari. Slot perbincangan kedua (2) diadakan pada pukul 2.30 petang, rehat petang pada pukul 6 petang, dan slot pengemakian pada pukul 8.30 malam sebelum bersurai pada pukul 11 malam.





Pada hari terakhir, 27 April, solat subuh diadakan pada pukul 6 pagi secara berjemaah di Pusat Islam diikuti sarapan pada pukul 7.30 pagi. Aktiviti explore bermula pada pukul 9.30 pagi dan sesi bergambar pada pukul 12 tengahari sebelum pendaftaran peserta pada pukul 1 petang menandakan penutupan program.

Pengisian slot utama program meliputi perbincangan resolusi oleh Jawatankuasa Perwakilan Kolej setiap kampus mengenai tahap kebajikan dan keselamatan mahasiswa di kolej kediaman, pembentangan dan pengemaskinian resolusi bersama Staf Residen Kolej (SRK), serta slot pengemaskinian akhir.



Program ini melibatkan seramai 96 Jawatankuasa Perwakilan Kolej (JPK), dengan 43 lelaki dan 53 perempuan. Kesemua peserta adalah daripada ketiga-tiga Kampus UiTM Cawangan Negeri Sembilan. Turut hadir memeriahkan program adalah barisan VIP yang terdiri daripada YBrs. Prof. Madya Dr. Masitah Ahmad (Penolong Rektor UiTM Kampus Rembau), En. Mohd Ikmal bin Abdul Halim (Penolong Pendafatar Kanan URHP Kampus Seremban), En. Abdul Rani Hashim (Pegawai Eksekutif Tertinggi URHP Kampus Seremban), Pn. Nazratul Nisa binti Eshak (Pegawai Eksekutif Kanan URHP Kampus Seremban), Puan Hazirah binti Kamarizaman (Pegawai Eksekutif Tertinggi URHP Kampus Rembau), Tc. Saiful Hasbullah bin Abdul Majid (Ketua Staf Residen Kolej (SRK) Seremban), Tuan Mohd Fakarul Radzi bin Mahadi (Staf Residen Kolej (SRK) Seremban), Encik Muhammad Amrun bin Abidin, Cik Nurashikin Mat Rashid (Staf Residen Kolej (SRK) Seremban), En. Ahmad Soufiean bin Othman (Staf Residen Kolej (SRK) Rembau), En. Muhd Zaidi bin Majid (Staf Residen Kolej (SRK) Kuala Pilah), Datin Dr. Nor Syamaliah binti Ngah, dan Puan Saflina binti Azis.



Bajet yang dimohon bagi menjayakan program ini adalah sebanyak RM 3,570.00, namun bajet yang diluluskan adalah RM 2,530.00. Peruntukan bajet digunakan untuk keperluan program termasuk makanan untuk VIP dan peserta seremban, pembuatan banner, dan banting perasmian.

Bajet makanan, pengangkutan dan penempatan bagi peserta UiTM Kampus Kuala Pilah dan Rembau adalah di bawah tanggungan Kampus masing-masing.

Program Townhall JPK Negeri Sembilan: Menelusuri Visi, Menghayati Tradisi telah mencapai objektifnya dengan menyediakan medium efektif untuk perbincangan dan penyelesaian isu kebajikan serta keselamatan mahasiswa. Pihak penganjur mengucapkan terima kasih kepada semua yang terlibat, khususnya peserta, VIP, dan pihak pengurusan UiTM, atas sokongan dan kerjasama yang diberikan. Diharapkan program ini dapat diteruskan pada masa akan datang untuk terus memperkukuh peranan JPK dalam meningkatkan kesejahteraan mahasiswa di kolej kediaman.

